

介休縣志

卷一

星野

沿革

疆域

祥異

形勝 關隘 防汛 堡寨 市場

兵氛

城池 驛站 鄉村 衙署

重修介休縣志序

余既蒞介之明年政簡俗誠邑紳僉以修志請謂自榆陽明府纂輯以來七十有餘載缺焉未續大懼典刑失墜故老彫殘後世徵信爲難也余以謏陋自維弗勝顧一邑文獻之垂所繫某

重職在有司雖欲辭之不可於是酌諸舊乘叅以郡志通志與廣文雷李兩君爲之發凡而起例又訪求遺彥淹貫輿墳者得梁明經杰王茂才佑任文學大廩茹叅軍綸常相與採拾見聞討論故實至今春屬草初就呈

之 郡侯孫公以爲體裁弗踰  
於此宜芟蕪潤藻勒成一代之  
典以昭示來許因於公餘之暇  
復攄胸臆訂訛補遺自夏徂秋  
而後卒業乃付梓間嘗論之志  
之所重者首惟良吏次卽名賢  
有良吏則俗易風移有名賢則

可傳可法他若山川貢賦城郭  
井疆不過按籍書其成迹無足  
動流連慨慕之思而介自秦建  
縣迄於今茲志中所載卓卓不  
可磨滅者宰官在晉惟魏昌賈  
公在明惟渭南史公人物於漢  
則郭有道於宋則文潞公遙遙

二千載屈指僅此數人餘或幸  
列行間猝然詢之漫不省記嗚  
呼稱名不朽之難而筆削之嚴  
亦可概見矣余承乏斯土風雨  
星好時虞一不得當則公餽之  
覆悔不可追惟我

國家休養既逾百年

今天子化周域外凡在民生罔不克  
遂邑在綏服之中匹夫匹婦咸  
興禮讓敦節義不勞令長施爲  
自安

帝則若余之手輯是編得積歲時而  
成者皆訟庭無事之明驗也他  
日輜軒下採固知此邑之風俗

人心猶然唐虞三代之盛而文  
獻亦於是徵邑紳其或以余  
爲不辜此請也歟

乾隆三十五年歲在庚寅暢月  
旣望知介休縣事山陰王謀文  
自序於再思堂之西清



序

域中三大權史居其一而史才  
自古爲難志卽具史之體史難  
志亦難故雖隨時紀載要必洞  
悉民風周知得失凡沿革之由  
興除之用咸備焉斯爲善也介  
稱要區我

介休縣志

卷一序

朝仍明代之舊隸於汾州左控

神京右通梁雍腹地之大邑也而  
四方商賈輻輳服物日就奢靡

揆諸舊乘所載不禁爲之掩卷  
三歎要非宰官善政善教其能  
令風尚之遽復於古哉憶丁亥  
之夏冀寧觀察使徐公守太原  
時報最入

覲僕適遇於

外朝問晉中吏治曰某也賢某也  
賢皆能羽翼上官布昭

聖化而我參軍王君明達善斷今以  
才猷

薦異日作宰官必稱良吏心竊誌  
之明年秋王公果量移我邑不

數月里人至此者咸謂公下車  
卽繕城濬壕建復書院有善必  
獎雖窮丐不遺有惡必劬雖大  
猾不懼麗服有禁游民知警此  
真能作民父母有善政善教之  
實者乃大爲桑梓慶而信徐公

之言爲不妄已丑冬公纂志將  
成以僕謬當邑望特遣人乞數  
言弁首嘉命雖殷自慚謏陋應  
之恐不得當顧志載人文風俗  
之盛衰寓善善惡惡之微意有  
關於治術非淺鮮竊願得附片

詞爲幸溯邑志自蓮勺史公修  
於明季萬歷庚子泊榆陽王公  
葺於

昭代康熙丙子一則約而該一則  
博而詳二公任我邑無廢弗舉  
志乘猶切蒐羅苦心至今文獻

是賴我王公系出陽明先生之  
後文章政治並有淵源我知案  
牘之餘廣徵博採運以班掾之  
筆凡民風得失沿革興除必粲  
然而皆備非特繼蓮勺榆陽兩  
公而上之而史才於是乎見而

大權亦於是乎在僕歸里有日  
將登堂而卒是編之業并樂觀  
政教之成也是爲序

乾隆三十四年歲在巳亥長至  
後一日

詔舉經學

介休縣志

卷一序

五

詔授中憲大夫詹事府少詹事兼  
翰林院侍讀學士國子監祭酒

邑人梁錫璵撰

梁錫璵

璵

原序

志以紀往徵今也介志四十年來猶仍其舊沿革數易豈足爲文獻徵哉余夙志纂輯媿立面牆二十六年得王君一魁志草乃十六年以前者至二十七年夏余敬以其事授學博陳君翔鸞道學憲辟主書院不得卒其業未幾又量移徽州別駕去雖聊亦具草而討論未及如何難哉余不得已於暇日取舊志洎王陳草謬加刪定卽事分類彙成一編大抵據親聞爲實錄耳何恤乎短淺何計乎知罪萬歷庚子三月渭南史記事撰

周制王朝及侯國咸置史官故曰晉之乘楚之檮杌魯

介休縣志

卷一 原序

一

之春秋浦公入關蕭何收秦典籍知四方阨塞錢穀甲兵司馬遷易編年爲本紀世家列傳書表 昭代遴選

辭臣纂修一統志薄海內外凡省府州縣之志責之有

討論維謹

地

承之茲邑際會同文之治網羅遺編咨

攷考拾遺補缺彙輯成書載稽班掾前漢書迄宋遼

金三史之職方考及山海經水經注郡國志括地諸書

皆地志也而旁通事文鳥獸草木與國史相表裡前哲

云史識史才史學憂憂乎難哉先是明經侯詔封因後

先舊志經緯起草今明經王之舟采遠近見聞蒐羅補

苴孝廉降緯考求訂正

地

裁定潤色樂觀大成焉於戲

墳典邱索雖邈矣無存而左國史漢猶粲焉可覩東壁  
西園固忝生花之筆石渠天祿尙希稽古之榮遂共爲  
一書洵文獻之足徵各宣其力抑名寔所具瞻也康熙  
三十五年丙子秋月榆陽王埴撰

介休縣志

卷一 原序

二

介休縣志凡例

介休舊志明季蓮勺史公修之以簡核具史裁至國朝經榆陽王明府重纂多所補述事以時增也今又積七十餘年採輯倍多而復搜諸未備者加詳覈焉爲門二十凡以類從者附之掌故所關不願以踈畧貽譏也因條次其鄙見於左

一分野爲作志者開卷第一義顧窺天之學古今無幾專家司占驗者大半出於臆度如介邑之或謂參井或謂觜參終多指駁耳今援左氏汾川實維參神之說主之以俟後之善言天者精審焉

介休縣志

卷一 凡例

一輿地沿革他郡縣亦多有而惟介特甚自漢以後縣倏而郡郡倏而州變易如舉棊不定舊志畧而弗詳今徧攷歷代地理志旁及杜氏釋例十三州志水經注等書以參之使廢置昭然使閱者可瞭若指掌也

一城池興廢舊志聯絡並書未免夾雜今分爲城關池三項似覺明晰

一水利莫詳於史志後人無所增損卽如李公若星王公埴不無斟酌變通要仍率由弗愆今皆隨時叙入而某水某渠溉田若干頃一一標清以便觀覽

一古蹟如漢槐爲邑中之最古者舊志未曾列入今特

載之以誌封植之意

一舊志備載典禮秩祀如救護旗纛之類殊覺繁碎今悉刪去若 文廟祭獻之禮已附入學校中不必另載

一塚墓如宋時元帥曹玠墓史志舊志皆失載今考古志補之

一田賦戶口悉遵賦役全書而繁者刪之俚者潤之不欲類於胥抄以塞白者

一物產如棉花紅花介休向無此種自明季史公記事市於外郡教民種植利賴無窮舊志失載未免亡其

介休縣志

卷一 凡例

二

遺澤今特補之

一舊志職官下即附以政蹟似於體例未符今特摘出別爲宦蹟門

一名宦自有專祠而千百年來俎豆者寡苟或一善庇民胥不可泯沒故凡有蹟可考者咸得序其大凡以見其設施即師儒丞尉無敢畧焉若已經祠祀者則仍注曰祀名宦

一選舉次序舉人必先於進士論秀書升之義也若先進士而後舉人是徒以階級爲高下且見其名之重出矣

一舊志選舉於舉人進士明經外分列貢監廩增附  
廩增附監暨監生供事吏員未免頭緒太繁且亦累  
日今彙爲仕宦一門仍各著其起家似覺簡核  
一封廩志體但載祖父不載祖父母廩母氏劬勞恩同  
罔極不嫌並列若本身既詳選舉中何煩屢述妻則  
從夫之爵寧必一著其姓以爲貴耶  
一人物先後舊志均不列宋昌今依通志補之  
一人物如刺國賓雖典史必爲之立傳所以勵有功也  
一舊志於武功死節概入雜志名稱殊未確今以人物  
統之蓋有功節乃所以爲人物耳

介休縣志

卷一 凡例

三

一舊志孝子義士亦載在雜志中今別爲孝義一門而  
凡急公好施者俱附入焉

一舊志不載寓賢而昔日名流往往有寄跡於斯者風  
流尙可溯也因考核增爲一類

一烈女如敬姜曹娥最足光耀志乘外惟節烈昭然者  
乃得備書之蓋婦人既喪所天唯恐有淇梁之感苟  
能相舟自矢則疾風勁草猶存巾幗中實足以維繫  
風化故余廣徵博訪凡知從一之義者咸臚列於旣  
旌之後無一之或遺若旣有齊眉之樂雖能孝奉舅  
姑不過盡婦人常分况不在旌表之列何得濫廁簡

冊彰闡之例不得不嚴也

一烈女舊志先婦人而後及其夫殊失從夫之義今正之

一藝文備載詩文諸體惟有關介邑文獻者登之餘雖佳者甚多不能闡入

一事有近於瑣屑者附入正條則太繁削之則恐有妨參考今彙爲一表曰雜志

是書始事於己丑季春斷手於庚寅秋末廣收博採頗積苦心惟是載籍寡少考核未盡姑就見聞臚摭而成其間疏陋脫誤之處尙望

介休縣志

卷一 凡例

四

當世賢士大夫明教之

介休縣志

鑒定

汾州府知府 孫和相

纂修

介休縣知縣 王謀文

分輯

介休縣儒學教諭 雷大興

介休縣儒學訓導 李生棟

叅訂

歲貢生候選儒學訓導 梁杰

介休縣志

卷一

生

員

王佑

校對

增

廣

生

員

任大廩

候

選

布

政

司

經

歷

茹綸常

督刊

介

休

縣

典

史

李師芳